

頁 583

一、「學空」與「入空」有何差異

《大智度論》卷 76〈60 學空不證品〉(大正 25, 593c19-22)

問曰：「學空」、「入空」有何差別？

答曰：初名「學空」，後是「入空」。

因是「學空」，果是「入空」。

方便名「學空」，得名「入空」。

如是等二道。

無相、無作、三十七品亦如是。

二、不有餘、不有分

《大智度論》卷 76〈60 學空不證品〉(大正 25, 593c29-594a4)：

是菩薩善學自相空，色法中乃至微塵，不留遺餘微細之分；無色法中，乃至不留一念；直入畢竟空中，乃至不見是空法可以為證。

頁 586

三、無所有法

1、《大般若波羅蜜多經》卷 452〈59 習近品〉(大正 7, 281b2-9)：

善現！諸菩薩摩訶薩，恒作是念：『我不應捨一切有情，必令解脫，然諸有情行不正法，我為度彼，應數引發寂靜空、無相、無願解脫門，雖數引發而不取證。』善現！是菩薩摩訶薩成就善巧方便力故，雖數現起三解脫門，而於中間不證實際，乃至未得一切智智——要得無上正等菩提方乃取證。

2、《放光般若經》卷 14〈61 問相行願品〉(大正 8, 95a3-8)：

佛告須菩提：「所以者何？菩薩有願志，不捨一切眾生故。須菩提！菩薩若有意不捨眾生，盡當度脫一切眾生。於無端緒之法出生三脫門，當知是為漚沱拘舍羅。菩薩要當成薩云若慧，終不中道實際取證。」

頁 588

四、明智慧成就者得

《大般若波羅蜜多經》卷 452〈59 習近品〉(大正 7, 282b18-c3)：

復次，善現！若菩薩摩訶薩已善修學布施波羅蜜多乃至般若波羅蜜多，……已善修學諸佛無上正等菩提。善現！是菩薩摩訶薩成就如是功德智慧，若於生死發起

樂想，或說有樂，或於三界安住執著，必無是處。

#### 五、非正答者，未得諸佛授記

《大般若波羅蜜多經》卷 452〈59 習近品〉(大正 7, 282c10-18)：

是菩薩摩訶薩得此問時，若作是答：「諸菩薩摩訶薩欲證無上正等菩提，但應思惟空、無相、無願、無生、無滅、無作、無為、無性、實際及餘一切菩提分法，不應修學。」

善現當知！是菩薩摩訶薩未蒙如來、應、正等覺授與無上正等菩提不退轉記。

何以故？善現！是菩薩摩訶薩未能開示、記別、顯了住不退轉地菩薩摩訶薩修學法相。

#### 六、已得不退轉之薄地菩薩

《大般若波羅蜜多經》卷 452〈59 習近品〉(大正 7, 282c18-283a7)：

善現！是菩薩摩訶薩得此問時，若作是答：「諸菩薩摩訶薩欲證無上正等菩提，應正思惟空、無相、無願、無生、無滅、無作、無為、無性、實際及餘一切菩提分法，亦應方便如先所說善巧修學而不作證。」

善現當知！是菩薩摩訶薩，已蒙如來、應、正等覺授與無上正等菩提不退轉記。何以故？善現！是菩薩摩訶薩已能開示、記別、顯了住不退轉地菩薩摩訶薩修學法相。

……善現！若菩薩摩訶薩已能開示、記別、顯了住不退轉地菩薩摩訶薩修學法相，當知是菩薩摩訶薩已善修學六波羅蜜多及餘一切菩提分法，已入薄地，已如其餘住不退轉地菩薩摩訶薩開示、記別、顯了安住不退轉相。

頁 589

#### 七、薄地

薄地 — 過不退、未成佛，斷煩惱，薄餘習。— 諸煩惱薄。<sup>1</sup>

#### 八、學地、無學地

1、《大智度論》卷 76〈60 學空不證品〉(大正 25, 594c17-18)：

未得無生法忍名「學地」，得無生法忍名「無學地」。

「學 — 未得無生忍

2、大乘學、無學<sup>2</sup> — 無學 — 得無生忍

<sup>1</sup> 印順導師，《大智度論筆記》〔B028〕，p.168。

<sup>2</sup> 印順導師，《大智度論筆記》〔B029〕，p.169。

頁 590

九、阿鞞跋致

1、《大智度論》卷 76〈61 夢中不證品〉(大正 25，597a24-b2)：

有人言：有二種阿鞞跋致：一者、已得 記，二者、未得記。

(1)得授記有二種：一者、現前授記，二者、不現前授記。

(2)不現前授記有二種：一者、具足授記因緣，二者、未具足授記因緣。

具足授記因緣者，知諸法實相，具足六波羅蜜；

不具足授記因緣者，但知諸法實相，得般若波羅蜜分，餘波羅蜜未具足。

┌有未得記

┌具足受記因緣——知實相、具六度

2、阿鞞跋致<sup>3</sup>└

┌ 不現前授記 └未具足受記因緣——知實相、得般若分、未具餘五

└ 有已得記└ 現前授記

頁 591

十、覺時火辨

1、《放光般若經》卷 14〈62 阿惟越致相品〉(大正 8，96a11-15)：

若是火焰燒一家至一家，燒一里至一里，或燒一家不燒一家，或燒一里不燒一里，中有為火所燒者，當知被燒家人斷法所致，皆是斷法餘殃。從是以來，斷法餘殃悉畢，是為罪滅福生。是為阿惟越致相。

2、《大般若波羅蜜多經》卷 452〈60 增上慢品〉(大正 7，283c10-22)：

復次，善現！若菩薩摩訶薩覺時見火燒諸城邑或燒聚落，便作是念：「我在夢中或在覺位，曾見自有不退轉相。若我所見定是實有，必獲無上正等菩提，願此大火即時頓滅，變為清涼。」

是菩薩摩訶薩發此誓願誠諦言已，爾時大火不為頓滅，然燒一家越置一家，復燒一家或燒一巷，越置一巷復燒一巷，如是展轉，其火乃滅，是菩薩摩訶薩應自了知決定已得不退轉記。然被燒者，由彼有情造作增長壞正法業，彼由此業先墮惡趣，無量劫中受正苦果，今生人趣受彼餘殃；或由此業當墮惡趣，經無量劫受正苦果，今在人趣先現少殃。

頁 595

十一、即此身悔

《大般若波羅蜜多經》卷 453〈60 增上慢品〉(大正 7，285c20-26)：

善現當知！是菩薩摩訶薩遠離般若波羅蜜多，無方便善巧故，棄善友故，常為惡

<sup>3</sup> 印順導師，《大智度論筆記》[ B029 ]，p.169。

友所攝受故，當墮聲聞或獨覺地。

善現當知！是菩薩摩訶薩或有此身還得正念，至心悔過捨憍慢心，數數親近真勝善友。彼雖流轉生死多時，而後還依甚深般若波羅蜜多方便善巧漸次修學，當證無上正等菩提。

## 十二、輕蔑餘人，罪重於四禁、五逆

《大智度論》卷 76〈61 夢中不證品〉(大正 25, 598a1-5)：

是心著是空名字，得重罪故，佛說四重禁喻一一破是重禁，現身不得四道果。所以者何？是四禁中妄語，稱：「我是阿羅漢。」

此中著是受蒞<sup>4</sup>名字，自言：「我當作佛。」是故重於四禁。

「過五逆罪」者，如〈地獄品〉<sup>5</sup>中破般若波羅蜜罪說。

## 頁 596

## 十三、不稱順諸如來心

《大般若波羅蜜多經》卷 453〈60 增上慢品〉(大正 7, 286b27-c10)：

善現當知！是菩薩摩訶薩遠離般若波羅蜜多，無方便善巧故，雖居曠野百踰繕那，其中絕無諸惡禽獸、蛇蝎、盜賊，唯有鬼神、羅刹娑等遊止其中一一彼住如是阿練若處，設經一年、或五、或十、或復乃至百千俱胝，若過是數，修遠離行，而不了知真遠離行一一謂諸菩薩摩訶薩眾雖居憤鬧而心寂靜，遠離種種煩惱惡業及諸聲聞、獨覺作意，發趣無上正等菩提。

是諸菩薩雖居曠野經歷多時，而雜聲聞、獨覺作意，於彼二地深生樂著，依二地法修遠離行，復於此行深生耽染。善現！當知彼雖如是修遠離行，而不稱順諸如來心。

## 頁 597

## 十四、勸善覺勉出

<sup>4</sup> (1) 蒞(ㄅㄛˋ)：佛教文體名，詩曰偈，文曰蒞。南朝 梁簡文帝《善覺寺碑》：「已於恆沙佛所，經受記蒞。」(《漢語大詞典(九)》，p.418)

(2) 記蒞：見「記別」。(《漢語大詞典(十一)》，p.61)

(3) 記別：亦作「記蒞」。指佛為弟子預記死後生處及未來成佛因果、國名、佛名等事。《菩薩處胎經·諸佛行齊無差別品》：「佛復告菩薩摩訶薩：汝等欲見如來神力化不思議道，法性純熟，無男無女，善權義說，受女人身，無佛記別，魔釋梵王無真實相，汝等欲知此四眾者受別成佛乎？」(《漢語大詞典(十一)》，p.60)

<sup>5</sup> 參見《正觀》第 6 期，p.189：《摩訶般若波羅蜜經》卷 11〈41 信毀品〉(大正 8, 304c)，《放光般若經》卷 9〈42 泥犁品〉(大正 8, 63a)，《大般若波羅蜜多經》卷 435〈39 地獄品〉(大正 7, 187c)，《道行般若經》卷 3〈5 泥犁品〉(大正 8, 441b)，《大明度經》卷 3〈6 地獄品〉(大正 8, 488a)，《摩訶般若鈔經》卷 3〈5 地獄品〉(大正 8, 523a)，《小品般若經》卷 3〈8 泥犁品〉(大正 8, 550c)。

《大般若波羅蜜多經》卷 453〈60 增上慢品〉(大正 7, 287a18-25):

善現當知！諸菩薩摩訶薩應常精進修自事業，遠離生死，不著三界，於彼惡賊旃荼羅人，常應發生慈、悲、喜、捨，應作是念：「我不應起如彼惡人所起過患，設當失念如彼暫起，即應覺知令速除滅。」

是故菩薩摩訶薩眾欲證無上正等菩提，當善覺知諸惡魔事，應勤精進遠離除滅如彼菩薩所起過患，勤求無上正等菩提。

頁 598

### 十五、菩薩之善知識

1、《大般若波羅蜜多經》卷 453〈60 增上慢品〉(大正 7, 287a29-b5):

佛告善現：「一切如來、應、正等覺是諸菩薩真善知識，

一切菩薩摩訶薩眾亦是菩薩真善知識。

諸有聲聞及餘善士，能為菩薩摩訶薩眾宣說開示，分別顯了布施、淨戒、安忍、精進、靜慮、般若波羅蜜多相應義趣令易解者，亦是菩薩真善知識。」

2、《大智度論》卷 76〈61 夢中不證品〉(大正 25, 598a22-b12):

佛餘處種種說善知識相，是故須菩提問佛：「世尊！何等是菩薩善知識？」

答：諸佛、大菩薩及聲聞是菩薩善知識。

六波羅蜜乃至一切種智、如、法性、實際等諸法亦是善知識；法能成辦其事，故說「六波羅蜜等諸法名善知識」。

三種聖人以此六波羅蜜法令菩薩奉行，得作佛。

是故法及人通名「善知識」。

問曰：佛及菩薩、六波羅蜜能成菩薩故，應是善知識；小乘道異，云何能與作善知識？

答曰：有小乘人先世求佛道故利根，雖是小乘，有憐愍心，觀應成大乘者為說大乘法，知報佛恩故，令佛種不斷。

如舍利弗六十劫求佛道，雖退轉作阿羅漢，<sup>6</sup>亦利根智慧，能為諸菩薩說大乘。

<sup>6</sup> 《大智度論》卷 12〈1 序品〉：「問曰：云何名不到彼岸？答曰：譬如渡河未到而還，名為不到彼岸。如舍利弗於六十劫中行菩薩道，欲渡布施河。時有乞人來乞其眼，舍利弗言：『眼無所任，何以索之？若須我身及財物者，當以相與！』答言：『不須汝身及以財物，唯欲得眼。若汝實行檀者，以眼見與！』爾時，舍利弗出一眼與之。乞者得眼，於舍利弗前嗅之嫌臭，唾而棄地，又以腳蹋。舍利弗思惟言：『如此弊人等，難可度也！眼實無用而強索之，既得而棄，又以腳蹋，何弊之甚！如此人輩，不可度也。不如自調，早脫生死。』思惟是已，於菩薩道退，迴向小乘，是名不到彼岸。若能直進不退，成辦佛道，名到彼岸。」(大正 25, 145a17-b1)

須菩提常行無諍三昧，<sup>7</sup>常有慈悲心於眾生故，亦能教化菩薩大乘法。如摩訶迦葉以神通力持此身至彌勒出世，於九足山中出，與大眾作得道因緣。<sup>8</sup>

如是等甚多。

頁 598

#### 十六、如虛空相是般若相

《大般若波羅蜜多經》卷 453〈60 增上慢品〉(大正 7, 288c4-7):

佛告善現：「甚深般若波羅蜜多虛空為相、無著為相、無相為相。所以者何？善現！於此般若波羅蜜多甚深相中，諸法諸相皆無所有、不可得故。」

頁 599

#### 十七、自證不隨他

1、《大智度論》卷 76〈61 夢中不證品〉(大正 25, 598c9-11):

是故菩薩若欲不隨他教——「不隨他教」名自知諸法實相；乃至變作佛身來說異於法相，亦不信不隨。

2、《大般若波羅蜜多經》卷 453〈60 增上慢品〉(大正 7, 288b26-c3):

是故，善現！諸菩薩摩訶薩欲得不隨他語行、欲得不依他語住、欲斷一切有情疑、欲滿一切有情願、欲嚴淨佛土、欲成熟有情，應學般若波羅蜜多。何以故？善現！於此般若波羅蜜多甚深經中，廣說菩薩摩訶薩眾所應學法，一切菩薩摩訶薩眾皆於其中應勤修學。

---

<sup>7</sup> (1)《中阿含經》卷 43〈2 根本分別品〉(大正 01, 703a-c11)。

(2)《阿毘達磨大毘婆沙論》卷 179：「云何無諍行？乃至廣說。問：何故作此論？答：為欲分別契經義故，如契經說：我弟子中善現苾芻住無諍行第一。」(大正 27, 898a13-15)

(3)《大智度論》卷 11〈1 序品〉：「舍利弗佛弟子中智慧第一，須菩提於弟子中得無諍三昧最第一。無諍三昧相，常觀眾生不令心惱，多行憐愍。諸菩薩者，弘大誓願以度眾生，憐愍相同，是故命說。」(大正 25, 136c26-29)

<sup>8</sup>《增壹阿含經》卷 44〈十不善品〉：

世尊告迦葉曰：「吾今年已衰耗，年向八十餘。然今如來有四大聲聞堪任遊化，智慧無盡、眾德具足。云何為四？所謂大迦葉比丘、君屠鉢漢比丘、賓頭盧比丘、羅云比丘。汝等四大聲聞要不般涅槃；須吾法沒盡，然後乃當般涅槃。大迦葉亦不應般涅槃，要須彌勒出現世間。所以然者？彌勒所化弟子盡是釋迦文佛弟子，由我遺化得盡有漏。」摩竭國界毘提村中，大迦葉於彼山中住；又，彌勒如來將無數千人眾前後圍遶，往至此山中，遂蒙佛恩，諸鬼神當與開門，使得見迦葉禪窟。

是時，彌勒伸右手指指示迦葉，告諸人民：「過去久遠釋迦文佛弟子，名曰迦葉，今日現在，頭陀苦行最為第一。」是時，諸人民見已，歎未曾有，無數百千眾生諸塵垢盡，得法眼淨。(大正 2, 788c28-789a17)

十八、相應般若起四無量心，能為一切眾生作福田

1、《大智度論》卷 77〈61 夢中不證品〉(大正 25，601a4-17)：

是中說因緣：「若菩薩能自行般若波羅蜜，亦能教化，是人於一切福田，能到其邊。」

「福田」者，從須陀洹乃至佛。

是菩薩能如所說般若波羅蜜履行，則得作佛；

餘福德善法，離般若波羅蜜故皆盡，般若波羅蜜不可盡故。

言「無有餘福德如菩薩摩訶薩力勢」者，是中自說因緣：菩薩行般若時，得諸法平等忍；得平等忍故，雖行空、亦能生四無量心。

**四無量**心中，大悲是大乘之本，見眾生就於死法，如囚受戮。

諸菩薩能生六波羅蜜等，乃至一切種智，是故諸菩薩能生大悲。

是故是人雖未得無上道，已是一切眾生之福田。」

2、《大般若波羅蜜多經》卷 454〈60 增上慢品〉(大正 7，290b7- c3)：

善現！當知是菩薩摩訶薩，由此精進增上威力，到諸有情**福田彼岸**。所以者何？是菩薩摩訶薩於法精進增上威力，一切有情無能及者，唯除如來、應、正等覺。何以故？

善現！是菩薩摩訶薩修行般若波羅蜜多，見諸有情無利樂者，起**大慈心**，非諸聲聞、獨覺所得；見諸有情有衰苦者，起**大悲心**，非諸聲聞、獨覺所得；見諸有情得利樂者，起**大喜心**，非諸聲聞、獨覺所得；見諸有情離性離相，起**大捨心**，非諸聲聞、獨覺所得。善現！是菩薩摩訶薩雖於有情平等發起大慈、大悲、大喜、大捨，而於一切無所執著，不同異生、聲聞、獨覺隨有所得起執著心。

善現！是菩薩摩訶薩雖於有情平等發起慈、悲、喜、捨，然與捨心非恒共住，常為饒益所化有情無暫捨故。善現！是菩薩摩訶薩修行般若波羅蜜多得**大光明**。謂得**布施**波羅蜜多大光明故，亦得**淨戒**波羅蜜多大光明故，亦得**安忍**波羅蜜多大光明故，亦得**精進**波羅蜜多大光明故，亦得**靜慮**波羅蜜多大光明故，亦得**般若**波羅蜜多大光明故。

善現！是菩薩摩訶薩雖未證得一切智智，而於無上正等菩提得不退轉故，至有情福田彼岸，堪受一切衣服、飲食、床座、醫藥諸資生具。

善現！是菩薩摩訶薩恒住般若波羅蜜多相應作意故，能畢竟報施主恩，亦能親近一切智智。

十九、應薩婆若念之般若行

《大般若波羅蜜多經》卷 454〈60 增上慢品〉(大正 7, 291a4-14):

佛告善現：「若菩薩摩訶薩知一切法、一切作意皆自性空，皆自性離。如是空、離，非聲聞作，非獨覺作，非菩薩作，非如來作，亦非餘作。然一切法法定、法住、法性、法界、不虛妄性、不變異性、平等性、離生性、虛空界、真如、實際、不思議界，法爾常住。

是菩薩摩訶薩即為不離甚深般若波羅蜜多相應作意，亦為不離一切智智相應作意。所以者何？甚深般若波羅蜜多、一切智智及諸作意皆自性空，皆自性離。如是空、離無增無減，能正通達名為不離。」

頁 604

## 二十、略就四門明無行

《大智度論》卷 77〈61 夢中不證品〉(大正 25, 601b26-c8):

### 1、即空不行

須菩提聞是菩薩正行般若波羅蜜，是故問佛：「世尊！般若波羅蜜觀一切空、不牢固，是空相為行般若不？」

佛言：「不也！」

何以故？若空無有法，云何行般若？

### 2、離空不行

「離是空，更有法行般若不？」

佛言：「不也！」

何以故？若一切法空、無相、無作，云何離空更有法？是故說「不」。

### 3、即般若不行

須菩提聞空非行般若、離空非行般若；一切法皆攝在般若中，今但問：「般若行般若不？」

法不自行，應以異法行，是故言「不」。

### 4、離般若不行

復問：「離般若，更有法行般若不？」

佛言：「不。」

何以故？一切法攝在般若中，更無法行般若。

頁 607

## 二十一、明受記不可得

1、《大智度論》卷 77〈61 夢中不證品〉(大正 25, 602a20-b2):

### 1、無生法不得記

菩薩未得無生法忍，深著世間法、諸煩惱厚，雖有福德善心，軟薄不進故，為煩惱所遮；得無生忍法，無復是事。

未得無生忍法，用力艱難，譬如陸行；得無生法忍已，用力甚易，譬如乘船。是故無生法忍，諸菩薩所貴。

以是貴故，須菩提問：「世尊！得無生法故受記？」

佛言：「不也！」

何以故？無生法不生不滅、無得相，云何因是受記？

## 2、生法不得記

復問：「生法得記耶？」

佛言：「不得。」

何以故？生法虛誑、妄語、作法，云何得阿耨多羅三藐三菩提真實法？

## 3、生不生法不得記

復問：「生不生得受記不？」

佛言：「不也！」

何以故？此二俱有過故。

## 2、《大般若波羅蜜多經》卷 454 〈60 增上慢品〉（大正 7，293a6-14）：

具壽善現復白佛言：「世尊！諸菩薩摩訶薩為以一切法無生性，得佛無上正等菩提不退轉記不？」

「不爾！善現！」

「世尊！諸菩薩摩訶薩為以一切法生性，得佛無上正等菩提不退轉記不？」

「不爾！善現！」

「世尊！諸菩薩摩訶薩為以一切法生無生性，得佛無上正等菩提不退轉記不？」

「不爾！善現！」

「世尊！諸菩薩摩訶薩為以一切法非生非無生性，得佛無上正等菩提不退轉記不？」

「不爾！善現！」